



basic education

Department:
Basic Education
REPUBLIC OF SOUTH AFRICA

NATIONAL ASSESSMENT GENERAL EDUCATION CERTIFICATE (GEC)

2023 GRADE 9 PILOT STUDY

Serutwa: Setswana Puo tlaleletso ya ntlha

Maduo: 70

Nako: 150 Metsotso

Go sa tsenyelediwa metsotso e le 15 ya go buisa

Teko e e na le ditsebe di le 22 go sa tsenyelediwa letlharekapeso.

Ditaelo go morutwana.

- 1 O tlaa neelwa metsotso e le 15 ya go buisa pele o ka simolola go araba teko e.
- 2 Buisa ditaelo tsotlhe le dipotso ka kelotlhoko.
- 3 Araba dipotso tsotlhe.
- 4 Dirisa bukana ya dikarabo e o e abetsweng go araba dipotso tsotlhe.

Teko e simolola mo tsebeng e e latelang.



Se phetlhe go fitlhela o boleelelwa go dira jalo.

Potso 1: Tekatlhaloganyo

Buisa temana e e latelang mme morago o arabe dipotso.

Kgotlelo ya tikologo

- 1 *Dia Singh*, morutwana wa mophato wa lesome le bongwe(11) wa kwa *Curro's St Dominics, Newcastle* kwa *KwaZulu-Natal* yo o nang le dingwaga di le lesome le borataro(16) o lwantsa kgotlelo ya dipolasetiki ka thulaganyo ya gagwe ya Phišo ya dipolasetiki.
- 2 Tsamaiso e ya boitlhamedi e fisa dipolasetiki tse di tlisang kgotlelo mme kwa bofelong e dira lookwane lo lo dirisiwang go fisa dipolasetiki mo tikologong e e tswalegileng e bile e babalesegile. 'Seno se dirisediwa go fokotsa matlakala a dipolasetiki le go tlosa dipolasetiki tse di dirisitsweng gangwe fela,' Singh o ne a re bolelela jalo.
- 3 Ga jaana mošwa yono o ne a newa tlotlo ka ntlha ya dilo tse a di tthamileng kwa *Steam International Expo* e e neng e tshwerwe ke *Innov8 Tech* le *HP* 'Ke ikutlwa ke itumetse thata' ga bua Singh morago ga go gapa sekgele sa bobedi kwa *Science, Technology Engineering, Arts and Mathematics Expo* e e neng e tshwaretswe kwa Dubai. Singh a re: 'Ke ne ka ja marapo a tlhogo morago ga go lebelela puisano mo thelebišheneng e e buang ka tsela e kgotlelo ya dipolasetiki e amang mawatle le botshelo jwa ka fa mawatleng ka yone.'
- 4 'Ke ne ka gakgamadiwa ke go bona selekano se se kalo sa kgotlelo ya dipolasetiki e e gobatsang diphologolo le tikologo. E rile ke bona fa lotlhakana la senotsididi la polasetiki lo ntshiwa mo nkong ya khudu, ke ne ka lemoga gore tsela e e dirisiwang ga jaana ya go tlosiwa ga matlakala a dipolasetiki ga e a siama. Seo se ne sa nthotloetsa go khola naka lwa tholo go baakanya seemo se.' Go tsaya kakanyo ya thekenoloji go e fetolela mo tirisong e nnile kgwetlho go borrasaense ba bašwa ka ba tshwara phage

ka mangana go dira diteko di le dintsi le go leka ditsela tse di farologaneng tsa boenjenere.

- 5 'Go aga le go dira diteko tsa thulaganyo ya Phišo ya dipolasetiki e ne e le kgwetlho e kgolo thata. Go tlhama thulaganyo e, e ne e le tiro e kgolo thata jaaka ke ne ke tshwanetse go batla tsela e e maleba ya go batla baenjenere ba ba gautshwane e bile ba le bašwa', Singh a tlhalosa. 'Bontsi ba masika a me ke batho ba ba nang le phisegelo ya go ka itse gore dilo di dira jang le gore di dirwa jang.'
- 6 Singh a re o solofela go tswela go dira ka natla mo thulaganyong ya gagwe le ba *HP Steam and Innova8 Tech* gore a tle a kgone go e tsenya mo tirisong. O solofela gore tiriso ya thulaganyo e, e tlaa fokotsa kgotlelo ya dipolasetiki le tshenygo ya tsona. Toro ya gagwe ke go batla go bona e le morebolodi mo go tsa saense le thekenoloji.

E nopotswe go tswa go www.Parent24 newsletter

1.1 Singh o lwantsha kgotlelo ya dipolasetiki jang?

- A Ka go phutha dipolasetiki
- B Ka thulaganyo ya gagwe ya Phišo ya dipolasetiki
- C Ka go neelana ka meteme ya go phutha dipolasetiki
- D Ka go kokoanya dipolasetiki (1)

1.2 Boitlhamedi jo jwa ga Singh bo tlile go dira eng?

- A Go tlhama tirisogape ya dipolasetiki
- B Go dira lookwane la dijanaga
- C Go tlhama ditiro
- D Go fisa dipolasetiki go fokotsa kgotlelo (1)

1.3 Singh a re jalo morago ga go gapa sekgele. (Temana 3)

Go gapa sekgele ke go ...

A fenyā.

B falola.

C atlega.

D tsaya.

(1)

1.4 Singh o ne a gapa sekgele sa '*Science, Technology, Engineering, Arts and Mathematics*' kwa kae?

A Curro

B Newcastle

C Dubai

D KwaZulu-Natal

(1)

1.5 Goreng Singh a ne a newa tlotlo?

A Ka ntlha ya go tsena sekolo sentle

B Ka ntlha ya dilo tse a di tlhamileng

C Ka ntlha ya go itse go bua sentle

D Ka ntlha ya puo e a neelaneng ka yona kwa Dubai

(1)

1.6 Goreng Singh a ne a bona go le botlhokwa go tlhama thulaganyo e ya gagwe?

A O ne a batla go itsege

B O ne a batla go phepafatsa tikologo

C O ne a batla go tsamaisa nako

D O ne a batla go dira madi

(1)

1.7 Polelo e e reng 'go ja marapo a tlhogo' e kaya eng? (Temana 4)

A Go opelwa ke tlhogo

B Go pupura marapo

C Go akanya

D Go tsenwa

(1)

1.8 O akanya gore Singh o ne a ikutlwa jang ka tlotlo e a e neetsweng?

A O ne a tshogile

B O ne a swabile

C O ne a itumetse

D O ne a tenegile

(1)

1.9 Go 'khola naka la thola' go kaya eng? (TEMANA 5)

A Go senya dilo

B Go baakanya seemo

C Go dirisa lonaka la tholo

D Go dira tiro e e bokete

(1)

1.10 Toro ya gagwe ke go batla go bona e le morebolodi mo go tsa saense le thekenoloji.

Polelo e e fa godimo e supa Singh e le motho yo o ntseng jang?

A Yo o sa ineeleng bonolo

B Yo o kgotlhelelang

C Yo o nang le ponelopele

D Yo o felang pelo bonolo

(1)

1.11 Go kaiwa eng fa gotwe, 'e nnile kgwetlho'. (TEMANA 6)

- A Go nnile bonolo
- B Go nnile matsapa
- C Go nnile kgotlhang
- D Go nnile le tharabololo. (1)

1.12 Tlhopha polelo e e nepagetseng e e tlhalosang semelo sa ga Singh ka se a se dirileng.

- A E ne e le motho yo o ratang batho.
- B E ne e le motho yo o ratang go dira ka dipolasitiki.
- C E ne e le motho yo o ratang go itshimololela kgwebo.
- D E ne e le motho yo o kgathalelang tikologo. (1)

1.13 Singh o farologane jang le bašwa ba bangwe ba Aforikaborwa?

- A O bogale, lenyatso, makgakga
- B O pelokhutshwane, ikgantsha, dipelaelo
- C O boitlhamedi, thotloetso, maikarabelo
- D O rata dilo, molemo, matlhagatlhaga (1)

1.14 'Go tshwara phage ka mangana', go kaya gore Singh (Temana 3)

- A O ne a tshwere bothata.
- B O ne a tshwere maemo.
- C O ne a dira ka natla.
- D O ne a dira bontle. (1)

1.15 Nopola polelo e e supang puo e e tsayang letlhakore mo go tse di latelang:

- A Go tlhama thulaganyo e, ke tshwanetse go batla baenjeneri ba ba gautshwane e bile ba le bašwa.
- B Ke ne ka gakgamadiwa ke go bona selekano se se kalo sa kgotlelo ya dipolasetiki.
- C Go tsaya kakanyo ya thekenoloji go e fetolela mo tirisong e nnile kgwetlho.
- D Singh a re o solofela go tswelera go dira ka natla mo thulaganyong ya gagwe. (1)

1.16 Ke polelo efe e e sobokanyang molaetsa wa setlhangwa se se fa godimo botoka?

- A Polokego ya diphologolo le batho
- B Go tuma mo lefatsheng ka bophara
- C Bontle le bophepa ba tikologo
- D Go ithuta dilo tse dintšhwa (1)

1.17 Goreng mafoko a, “ke ikutlwa ke itumetse thata”, a tsentswe mo ditsejwaneng?

- A Go supa setlhogo
- B Go supa ntlhankgolo
- C Go fetisa molaetsa
- D Go supa nopololo (1)

1.18 “O batla go bona e le morebolodi wa tsa saense” e raya gore o batla go bona ...

- A e le mofetoledi go tsa saense.
- B e le mmetli go tsa saense.
- C e le mosimolodi wa tsa saense.
- D e le mofenyi go tsa saense. (1)

1.19 Mokwadi o tlotlheletsa jang kakanyo ya mmuisi ka Singh?

O tthagisa Singh e le mosetsana yo ...

A matlhagatlhaga.

B botlhale.

C pelokgale.

D bokgwabo.

(1)

1.20 Athikele e o e buisitseng e lebisitswe go bomang?

A setšhaba

B bašwa

C batsadi

D bana

(1)

1.21 'bontsi ba masika a me ke batho ba ba nang le phisegelo ya go itse gore dilo di dira jang le gore di diriwa jang'.

Polelo eno e go lemosa eng ka masika a ga Singh? (Temana 5)

A Ke batho ba ba sa rateng go fetwa ke dilo.

B Ke batho ba ba itseng sengwe le sengwe.

C Ke batho ba ba ratang go ithuta ka tiro le tirisong ya dilo.

D Ke batho ba ba sa rateng go botsa.

(1)

1.22 Ke polelo efe mo temaneng e e supang maikutlo a go tshwenyega?

A Seo se ne sa nthotloetsa go khola naka la tholo.

B Go tsaya kakanyo ya thekenoloji go e fetolela mo tirisong e nnile kgwetlho.

C Seno se dirisediwa go fokotsa matlakala a dipolasetiki.

D Ke ne ka gakgamadiwa ke go bona selekano se se kalo sa kgotlelo.

(1)

1.23 Fa o lebeletse se Singh a se tlamileng, se tlile go thusa jang mo isagong?

- A Ka go tlhatlhosa maemo a ikonomi.
- B Ka go phepafatsa le go sireletsa matshelo a batho le diphologolo.
- C Ka go bontsha batho mosola wa dipolasitiki.
- D Ka go thusa barutwana ka saense kwa dikolong. (1)

1.24 Kgankgolo ya Temana 4 ke efe?

- A Singh o na le phisegelo ya go itse le boitshimoleledi.
- B Ke go gakgamala ga ga Singh.
- C Mathata a a itemogelwang ke diphologolo le tikologo ka ntlha ya kgotlelo.
- D Go ntshiwa ga lotlhakana la senotsididi la polasetiki mo nkong ya khudu. (1)

1.25 Ke tshwetso efe e o ka e tsayang go tswa mo sethangweng se o se buisitseng fa godimo?

- A Go tlhokomela tikologo ke maikarabelo a rona rotlhe.
- B Go rata setšhaba sa gaeno ke selo se se siameng.
- C Go nna ngwana wa mosetsana go a thusa.
- D Go tlhokomela tikologo ke tshenyo ya nako. (1)

[25]

Potso 2: Ditlhangwaponno

2.1 Papatso

Lebelela papatso e e ka fa tlase mme morago o arabe dipotso.

MOTSWAKO O MOŠWA O NTLAFADITSWENG	
E MAATLA E TLAA GO SIRELE TSA MO MEGARENG KA 100%	
SESEPA SE SE TSHABIWANG KE MEGARE	
E ntlafaditswe ka motswako o mošwa wa selefera o o mo boemong jwa 10	
E bolaya megare ka 100%	

E nopotswe le go baakanngwa go tswa go Pixta stock.com

2.1.1 Ke kuno efe e e bapadiwang mo papatsong e e fa godimo?

- A Lelapa le le itumetseng
- B Motswako o mošwa o ntlafaditsweng
- C Sebolaya megare
- D Sesepe sa lifebuoy (1)

2.1.2 Papatso e e fa godimo e lebisitswe go bomang?

- A Barati ba sesepe sa lifebuoy
- B Malapa otlhe
- C Batho ba ba ratang go tlhapa
- D Batho ba ba tshabang megare (1)

2.1.3 Goreng mafoko a, 'Motswako o mošwa o ntlafaditsweng' a kwadilwe ka ditlhaka tse dikgolo tse di ntshofaditsweng?

- A Go bapatsa kungo
- B Go kgabisa papatso
- C Go gogela bareki
- D Go ba ruta ka bophepa (1)

2.1.4 Ke sekapuo sefe se se dirisitsweng mo polelong e e latelang 'Sesepa se se tshabawang ke megare'?

- A Tshwantshanyo
- B Mothofatso
- C Pheteletso
- D Tshwantshiso (1)


2.1.5 Monyenyo wa lelapa le le tlhagileng mo papatsong o amana jang le molaetsa wa papatso?

- A O bontsha fa ba fentse megare ka lifebuoy.
- B O bontsha lelapa le le fetsang go tlhapa ka lifebuoy.
- C O bontsha gore kungo e tlisa mofuthu mo lelapeng.
- D O bontsha ba itumeletse motswako o mošwa wa lifebuoy. (1)

[5]

2.2 Khathunu

Lebelela khathunu e e fa tlase mme morago o arabe dipotso.



E nopotswe le go fetolelwa go tswa go www.google

2.2.1 Ditiragalo tsa khathunu e e fa godimo di diragalela kae? (1)

2.2.2 Bella le mosetsana yo o emeng ka fa morago ga gagwe, ba amana jang? (1)
Papetlana 1

2.2.3 Tsela e Bella a emeng ka yona, e senola segalo sefe mo puong ya gagwe? Papetlana 2 (1)

- 2.2.4 Mofuta wa pudulwana e e mo karabong ya ga Betsy e senola eng mo puong ya gagwe? Papetlana 2 (1)
- 2.2.5 A tsibogo ya ga Betsy e siame? Tlhalosa. Papetlana 2. (2)
- 2.2.6 Puo ya mmele ya tsala ya ga Bella, e supa eng? Papetlana 3 (1)
- 2.2.7 Molaetsa wa khathunu ke ofe? (1)
- 2.2.8 A o bona tsala ya ga Bella e le tsala ya nnete? Tshegetsa karabo ya gago. (2)
- [10]**

Potso 3: Tshobokanyo

Buisa temana e e latelang morago o e sobokanye ka **go ntsha dintlha tse motsadi a tshwanetseng go di ela tlhoko go thusa ngwana wa gagwe go nna le boitshepo.**

ELA TLHOKO: O tshwanetse go dira tse di latelang:

1. Kwala dintlha di le **SUPA** ka dipolelo tse di tletseng.
2. Nomora dipolelo go tloga go 1-7.
3. Kwala fela ntlha e le **NNGWE** polelo ka nngwe.
4. Dirisa mafoko a gago go sobokanya temana.
5. Tshobokanyo ya gago e nne boleele jwa mafoko a ka nna 70-80.
6. Kwala palo ya mafoko mo masakaneng kwa bokhutlong jwa tshobokanyo.
7. Tshobokanyo e se neelwe setlhogo.

Go thusa ngwana go itshepa

Ke maikarabelo a motsadi mongwe le mongwe go ruta ngwana go ithuta go dira dilo. Ngwana o ithuta go dira dilo mo dingwageng dingwe le dingwe tsa botshelo jaaka go dira ditiro tsa kwa gae le tsa kwa sekolong. Thusa ngwana go dira dilo ka tsela ya gagwe. Bontsha ngwana mme o mo thuse. Tlogela ngwana go dira diphoso gonne se ke tsela ya go ithuta.

Akgola ngwana fa a dirile bontle, fela se o se dire ka botlhale. Go siame go akgola ngwana gonne se se bontsha fa o le motlotlo ka ena. Motsadi o tshwanetse go nna sekai se se siameng mo ngwaneng mme se se ka kgonagala fa o le motsadi o dira ditiro tsa kwa gae mme ngwana a ithuta go tswa mo go wena.

Ithute go lebelela tse ngwana a di kgonang e bile a di rata mme o dire bonnete jwa gore o a di tlhotlheletsa mo ngwaneng. O se ka wa bua bosula ka ngwana gonne o tlaa akanya gore go jalo ka ena.

Letla ngwana wa gago go thusa le go fana, se se tlaa dira gore boitshepo jwa gagwe bo gole fa a bona gore se a se dirang se botlhokwa. Ngwana a ka thusa fa gae, ka porojeke nngwe kwa sekolong kana go thusa bomogoloe. Go thusa le go nna molemo mo bathong, go aga boitshepo le go tlisa maikutlo a boitumelo mo ngwaneng.

E nopotswe le go rulaganngwa sešwa go tswa go <https://childmind.org/article>

Ke ne ka ikepela lebitla

- 1 Ke tsholetswe kwa toropong ya *Quezaltepeque* e e kwa *El Salvador*. Batsadi ba me ba ne ba na le bana ba le lesome le botlhano (15) mme nna ke le wa borataro (6). Batsadi ba me ba lekile go nkgodisa gore ke nne motho yo o siameng le yo o obamelang molao. Mo godimo ga moo, *Leonardo* le ba bangwe ba ne ba tlhola ba tla go re ruta ka tsa botshelo mme ke ne ke itlhokomolosa dilo tse ba neng ba di nthuta e bile ke dira ditshwetso tse di sa siamang mo botshelong.
- 2 Fa ke na le dingwaga di le 14, nna le ditsala tsa me tsa kwa sekolong re ile ra simolola go nwa bojalwa le go dirisa diritibatsi. Ditsala tsa me di ile tsa tlogela sekolo go ya go nna ditokololo tsa segongwana sa disenyi mme le nna ke ile ka latela sekao sa bone. Re feditse nako e ntsi mo mmileng, re utswa dilo gore re kgone go reka bojalwa le diritibatsi.
- 3 Segongwana seo se ne se fetogile lelapa la me e bile ke ikaeletse go dira sengwe le sengwe gore ke se sireletse, s.k letsatsi lengwe ke ile ka bona mongwe wa bone mo sediding sa diritibatsi mme a lwa le moagisane wa kwa gae. Moagisane o ile a mo tshwara a bo a leletsa mapodisa mogala. Ke ile ka tsaya thobane mme ka itaya kolozi ya gagwe ke mmolelela gore a tlogele tsala ya me e tsamaye.
- 4 Fa ke na le dingwaga di le lesome le borobedi (18), segongwana sa rona se ile sa lwa le mapodisa. Ke ile ka tsaya bomo e re neng re itiretse yona ke re ke ngata mapodisa ka yona mme e ile ya thunya e le mo seatleng sa me. Ga ke itse gore go tlike jang. Ke gopola fela ke bona seatla sa me se tuka mme go tswa foo ke bo ke idibala. Fa ke tsoga kwa bookelong, ke ile ka bolelelwa gore seatla sa me sa moja se kgaotswe, gore tsebe ya me ya moja ga e utlwe sentle le gore leitlho la me la molema le batlile le fofala.
- 5 Le fa ke ne ke gobetse jalo, ke ile ka boela kwa ditsaleng tsa me fa ke se na go tswa mo bookelong. Moragonyana, ke ne ka tshwarwa le go isiwa kwa kgolegolong. Fa ke le koo, ke ne ka kopana le ditokololo di le tharo tsa

segongwana sa rona. Re ne ra nna monwana le lenala, re tlhola re ja mmogo fela re ne re ikotlhaela ditiro tse di maswe tse re di dirileng. Ruri re ikepetse lebitla!

E Nopotswe le go rulagangwa sešwa go tswa go:www. JW.ORG

4.1 'Botshelo' ke mofuta ofe wa leina? (Temana 1)

- A leinatswako
- B leinakgopolo
- C leinagoboka
- D leinatota (1)

4.2 'Batsadi ba me ba ne ba na le bana ba le lesome le botlhano (15) mme nna ke le wa borataro (6). (Temana 1)

Supa mofuta wa polelo o o dirisitsweng mo moleng o o fa godimo.

- A polelotswako
- B polelopate
- C polelonolo
- D polelotaelo (1)

4.3 Neela lekaelagongwe la lefoko 'Segongwana' (Temana 2)

- A basimane
- B dirukhutli
- C dinokwane
- D setlhopha (1)

4.4 Neela lelatodi la lefoko 'moja' (Temana 4)

- A molema
- B magare
- C godimo
- D fatshe

(1)

4.5 'gore a tlogele tsala ya me e tsamaye', ke mofuta ofe wa polelwana?

- A polelwanakaladi
- B polelwanakalatlhaodi
- C polelwanakalaina
- D polelwanakalatlhalosi

(1)

4.6 Ke ne ka tswa kwa bookelong. Ke ne ka boela kwa ditsaleng tsa me.

Ke lekopanyi lefe le le ka dirisiwang go kopanya dipolelo tse di fa godimo?

- A le fa
- B gore
- C mme
- D ntle

(1)

4.7 'di le tharo', ke karolopuo/popegopuo efe jaaka e dirisitswe mo polelong.
(Temana 5)

- A letlhalosi
- B lesupi
- C lediri
- D letlhaodi

(1)

4.8 Nna le ditsala tsa me tsa ... sekolong re ile ra simolola go nwa bojalwa.

Tlhophha popi e e siameng go tswala phatlha e e mo polelong e e fa godimo.

- A go
- B kwa
- C le
- D sa

(1)

4.9 'Ditsala tsa me di tlogela sekolo'

Ke polelo efe e e fetoletsweng go 'tirwa' sentle?

- A Sekolo se tlogelwa ke ditsala tsa me.
- B Sekolo se ne sa tlogelwa ke ditsala tsa me.
- C Sekolo se tla tlogelwa ke ditsala tsa me.
- D Sekolo se tlogetse ke ditsala tsa me.

(1)

4.10 'Ke ile ka tsaya bomo ka ngata mapodisa ka yona'

Tlhalosa lefoko 'ngata' jaaka le dirisitswe mo polelong.

- A bontsi jwa dikgong
- B go thunya
- C go itaya
- D go latlhela sengwe ka go utlwise botlhoko

(1)

4.11 'Leonardo le ba bangwe ba ne ba tlhola ba tla go re ruta'.

Lefoko 'tlhola' mo polelong e e fa godimo le dirisitswe go kaya ...

- A go fenya
- B go nna lefelo lengwe
- C tiragalo e e tlwaetseng go diragala
- D go tlola

(1)

4.12 Lefoko le le khutshwafaditsweng ka'sk' fa le feletse ke ... (Temana 3)

A sengwe

B sekai

C selo

D sekolo

(1)

4.13 Tlhopha polelo e e dirisitseng matshwao a puiso ka nepagalo.

A Re feditse nako e ntsi mo mmileng, re utswa dilo tsa bone!

B Re feditse nako e ntsi mo mmileng, re utswa dilo tsa bone?

C Re feditse nako e ntsi mo mmileng, re utswa dilo tsa bone.

D Re feditse nako e ntsi mo mmileng. re utswa dilo tsa bone.

(1)

4.14 Bolela mofuta wa leemedi le le thaletsweng mo nopolong e e latelang:
'nna le ditsala tsa me tsa kwa sekolong'.

A leemeditota

B leemedigotlhe

C leemeditweledi

D leemedito

(1)

4.15 Tlhopha lefoko le le bolelang 'tsholetswe' mme le kwadilwe sentle? (Temana 1)

A belege

B belegwe

C belegwee

D belegwe

(1)

4.16 'Batsadi ba me ba lekile go nkgodisa'.
Polelo e e fa godimo e mo pakeng efe?

- A pakapheti
 - B pakajaanong
 - C pakatlang
 - D pakatsweledi
- (1)

4.17 'Segongwana seo se ne se fetogile lelapa la me' a tthalosa.

Tlhopha polelo e e fetoletsweng ka tsela e e maleba go nna puopegelo.

- A O ne a tthalosa fa segongwana seo se fetogile lelapa la me.
 - B O ne a tthalosa fa segongwana seo se fetogile lelapa la gagwe.
 - C O ne a tthalosa fa segongwana seno se fetoga go nna lelapa la gagwe.
 - D O ne a tthalosa fa segongwana se tla nna lelapa la gagwe.
- (1)

4.18 'Ruri re ikepetse lebitla' ke sekai sa puo e e ...

- A gogelang
 - B tsayang letlhakore
 - C gobeletlang
 - D tsosang maikutlo
- (1)

4.19 Lefoko 'seo' ke karolopuo/popegopuo efe? (Tema 3)

- A letlhophi
 - B lebotsi
 - C lesupi
 - D lelatlhelwa
- (1)

4.20 Go nna 'monwana le lenala' go kaya ... (Temana 5)

- A go nna bana ba motho
- B go nna balekane
- C go ratana
- D go se kgaogane

(1)

[20]

Bokhutlo ba teko

